

դապետն ի Սուրբ Նիկողոս եկաւ: Երեկոյիս ի տեղն գնացաք:

Գշի օրս (1 Յուլիս) Թագաւորն պերպէռպաշին իւրն սպանեց, պատճառելով թէ ի ժամանակ զօրպայիցն դու ևս խորհրդակից ես եղեալ: Անցեալ շաբաթս հանեց զնա՝ զափուճիպաշի առնելով և օրս սպանեց, որ էր հայի որդի, որ անդ տարեալ զնա և բազում գանիւ տաճկացուցեալ եւ ի մօտ ժամանակս խիստ դահիճ եղև և բազում միտս ունէր առնել մեզ, և այժմ էառ զառհաւատչեայն աստ և անդ:

Յուլիս ամիս. և օրս եկեալ Ղայսէրցի մի քանի հայ առ եղիազար վարդապետն թէ ի մեզանէ Գ ոգի գնացեալ են եղեալ հօռում և Հոռոմքն զնոսա մկրտեալ. զի՞նչ ասես մեզ, մեք զայն չեմք թողլոց, երթամք զնա տաճիկ առնեմք: Եւ վարդապետն ասաց թէ Դուք զհօռոմ լինիլն կու նեղանայք եւ ես զտաճիկ առնելն զնոսա ո՞րպէս կամիմ: Եւ այսպէս նոքա ելեալ գնացին:

Եշի օրս (3 Յուլիս) Կիրակոս վարդապետն եկաւ, աշակերտ եղիազար վարդապետին:

Ուրբաթ օրս (4 Յուլիս) Սաչատուր վարդապետն դատաստան արաւ վասն Նօթուտի տղին որ ի Կիրակիս ի գերեզմաներն կանանց խօսք է ասացեալ և զօմանս հայհոյեալ և բազում խայտառակութիւն, որ և տեսողքն եւ լսողքն գնացեալ Մարտիրոս վարդապետին պատմեալ. եւ նա արգելեալ զնա եկեղեցոյն եւ Սաչատուր վարդապետին թուղթ գրեցին թէ Դորա դատաստանն ա՛ռ. եւ օրս ի յԱստուածածին դատաստան արաւ, նոյովեց եւ բանադրեց եւ զփիլոնն էառ առաջի եւ եկեղեցոյ աթոռակալացն եւ իշխանացն: Եւ յերեկեան օրն յամէն եկեղեցի թուղթ ուղարկեց թէ եկէ՛ք եւ դատաստան կայ. եւ ամէնն եկին եւ մեր